

ՔԱՂՎԱԾՔ

«Հայաստանի պետական տնտեսագիտական համալսարան»
պետական ոչ առևտրային կազմակերպության գիտական խորհրդի՝
2021 թվականի դեկտեմբերի 23-ի, ժամը 12:00-ի ընդլայնված նիստի
N 7 արձանագրությունից

ԼՍԵՑԻՆ.-

Լեզուների ամբիոնի դասախոս, բանասիրական գիտությունների թեկնածու
Աննա Ռուբենի Ղարսյանի «Արդի հայերենի իրավաբանական տերմինները» մենագրության հրատարակությունը երաշխավորելու մասին հարցը:

Զեկուցող՝ գիտության գծով պրոռեկտոր, տնտեսագիտության դոկտոր,
դոցենտ **Թ.Մ.Մկրտչյան:**

Զեկուցողը նշեց. հեղինակի աշխատանքը առաջին լուրջ փորձն է Հայաստանի Հանրապետության ներկայիս օրենսդրության և առհասարակ իրավաբանական պաշտոնական փաստաթղթերի բառապաշարի արժևորման և գիտական շրջանառության մեջ դնելու բնագավառում: Արժարժված թեման արդիաշունչ է՝ պայմանավորված հայերենի իրավական լեզվի բառապաշարի անհրաժեշտությամբ: Հեղինակը գիտական բարեխղճությամբ և մեծ պատասխանատվությամբ է հետազոտել արդի հայերենի իրավաբանական համակարգը՝ ենթարկելով այն ստուգաբանական, իմաստագործառական, շերտաբանական և բառակազմական քննության: Աշխատության կառուցվածքը պայմանավորված է լեզվաբանության մեջ մշակված մոտեցումներով: Այն բաղկացած է նախաբանից, երեք գլուխներից, օգտագործված գրականության ցանկից և հավելվածից: Հեղինակը հարուստ լեզվանյութի ուսումնասիրությամբ ուշագրավ դիտարկումներ է կատարել, գիտականորեն խորաշերտ վերլուծությունների միջոցով հանգել կշռադատված եզրակացությունների: Աշխատանքը տեսական դրույթների և դրանք հավաստող օրինակների, մեջբերումների հաջողված համակցություն է: Մենագրության ընձեռած հնարավորությունները կարող են մեծապես գործածվել նոր իրավաբանական վերլուծական աշխատություններում, գիտական հոդվածներում, ինչպես և կարող են այդ հնարավորություններից շահեկանորեն օգտվել մասնագիտական բառարաններ կազմողները: Աշխատանքից որոշ բաժիններ՝ առանձնացված հատուկ նպատակադրվածությամբ, կարող են ընդգրկվել մասնագիտական ֆակուլտետներում կարդացվող դասախոսություններում:

Մենագրության վերաբերյալ ստացվել է 3 դրական կարծիք.

